

րապետը և արևմտյան մտածողությունը» և այլն:

Հունիսի 23-ին Ալեքսանդրիայի Էվանգելիստոս Մայր տաճարում տեղի է ունեցել պատրիարքական ս. պատարագ: Խորհրդրակատարությանը մասնակցել են հյուր եպիսկոպոսները:

Քույր եկեղեցիների ներկայացուցիչներից հրավիրված են եղել հոռմեական կաթոլիկ եկեղեցու պապական նվիրակ Հաշի եպիսկոպոս Գլորիոն, դպրական ուղղափառ պատրիարքության արտաքին հարաբերությունների վարիչ Սամուել եպիսկոպոսը, Հայաստանյայց եկեղեցու ներկայացուցիչ Զավեն եպիսկոպոս Զինչյանը և հույն կաթոլիկ պատրիարքի փոխանորդ Պողոս եպիսկոպոս Անթաքին:

Պատարագին ներկա են եղել նաև եգիպտական պետության մոտ հավատարմագրված զանազան դեսպաններ, հյուպատոսներ և այլ պաշտոնական հյուրեր:

Հունիսի 22-ին, առավոտյան ժամը 11-ին, Մոսկվայի ռուս պրավոսլավ պատրիարքության ներկայացուցիչ և Բեռլինի Էկզարխ տ. Ֆիլարետ արքեպիսկոպոսը, ընկերակցությամբ տ. Պյոտր քահանա Ռայնայի և դոցենտ Բորիս Նիլուպովի, այցելել է Ալեքսանդրիայի հայոց առաջնորդարան, ս. Պո-

ղոս-Պետրոս եկեղեցի և ընդունվել տ. Զավեն եպիսկոպոս Զինչյանի կողմից: Ընդունելությանը ներկա են եղել տ. Վարագ քահանա Պեյլերյանը և Քաղաքական ժողովի ատենապետ պրն. Վահան Ալեքսանյանը: Եղբայրական ջերմ մթնոլորտում ռուս պրավոսլավ և Հայաստանյայց եկեղեցու ներկայացուցիչների միջև տեղի է ունեցել սրտաբաց զրույց երկու քույր եկեղեցիների բարեկամական դարավոր կապերի մասին: Կատարվել են սրտագին մաղթանքներ Տ. Պիմեն Պատրիարքի և Ամենայն Հայոց կաթողիկոս Վազգեն Ա-ի կենաց և արևշատության համար: Տ. Ֆիլարետ արքեպիսկոպոսի և տ. Զավեն եպիսկոպոսի միջև փոխանակվել են հուշանվերներ:

Նույն օրը, երեկոյան, տ. Զավեն եպիսկոպոսը, ընկերակցությամբ տ. Վարագ քահանա Պեյլերյանի և պրն. Վահան Ալեքսանյանի, փոխադարձ այցելություն է տրվել տ. Ֆիլարետ արքեպիսկոպոսին տեղի Սան-Ստեֆանո հյուրանոցում:

Ս. Աթանաս Հայրապետի հիշատակին նվիրված հանդիսություններից հետո տեղի է ունեցել հույն օրթոդոքս պատրիարքարանի ս. Սիմոնի նիստը՝ Աֆրիկայի զանազան երկրներից ժամանած եպիսկոպոսների ներկայությամբ:

ԼՈՒՐԵՐ ԵԿԵՂԵՑԻՆԵՐԻ ԷԱՄԱՇԽԱՐՀԱՅԻՆ ԽՈՐՀՐԴԻՑ

ՆՇԱՆԱԿՈՒՄՆԵՐ Ե. Հ. Խ.-ՈՒՄ

«Ինդիլն Ուիթեն» շաբաթաթերթի նախկին գլխավոր խմբագիր և Հնդկաստանի եկեղեցիների ազգային խորհրդի գրականության բյուրոյի անդամ Վիկտոր Կոյաիլեն նշանակվել է Ե. Հ. Խ.-ի հրատարակությունների բաժնի խմբագրության քարտուղար՝ այդ պաշտոնում հաջորդելով Մարտին Կոնուելին, որը սույն թվականի սեպտեմբեր ամսից աշխատելու է եկեղեցիների քրիստոնեական խորհրդում: Վիկտոր Կոյաիլեն եղել է Նագպուրի համալսարանի դասախոս և իր ժողովրդաստանական գործունեությունն սկսել է որպես խմբագիր «Թիր Գարդիլն» քրիստոնեական շաբաթաթերթի:

Ցելյոնի անգլիկան եկեղեցու անդամ Ադրիան Վիթենանեն նշանակվել է Ե. Հ. Խ.-ին առընթեր եկեղեցիների օգնության Էկոմենիկ հիմնարկության նոր տնօրեն: Ավելի քան տասնչորս տարի նա աշխատել է Ցելյոնի կառավարության կազմում, մասնակցել է հողային ռեֆորմին և երկար տարիներ զբաղեցրել գյուղատնտեսության մինիս-

տրության կոմիսարի օգնականի պաշտոնը:

Լիմելով իր եկեղեցու պատասխանատու աշխատողներից մեկը՝ Վիթենանեն ծառայության իր բաժինն է բերել «Ասիական երկրների զարգացմանը մասնակցող եկեղեցիների հանձնաժողովում» որպես խորհրդական:

ԱՄՆ-ի Լեքսինգթոն քաղաքի քրիստոնեական եկեղեցու («Քրիստոսի աշակերտներ») հոգևոր հովիվ Ռոբերտ Ուելշը, հրաժարվելով իր հոգևոր պարտականություններից, տեղափոխվել է Ժնև և ընդգրկվել Ե. Հ. Խ.-ի անձնակազմում որպես «Հավատ և վկայություն» միավորման աշխատակից: Նա եղել է Տրանսիլվանիայի համալսարանի հոգեբանության դասախոս և ղեկավարել նույն համալսարանի ուսանողների ընկերակցությունը:

ՄԻՏՐՈՊՈԼԻՏ ԻՐԵՆԵՆՈՍԻ ԲՈՂՈՔԸ

ՀՈՒՆԱՍՏԱՆԻ ԿԱՌԱՎԱՐՈՒԹՅԱՆ

ՎԱՐԱՇ ԾՆԾՄԱՆ

ՔԱՂԱՔԱԿԱՆՈՒԹՅԱՆ ԴԵՄ

Արևմտյան Գերմանիայում աշխատող հույն գաղթականներին ուղղված իր ու-

դիտելույթի մեջ միտրոպոլիտ Իրենեոսը, հանդես գալով ի պաշտպանություն Հուճապատում օրինականության վերահաստատման համար հույն ժողովրդի բուռն պահանջների, իր վճռական բողոքն է արտահայտել տեղական իշխանությունների կողմից գործադրվող ճնշման քաղաքականության դեմ:

Հույն ժողովրդի 1821 թվականի ազգային ազատագրության տարեդարձի տոնակատարության առթիվ, որի ընթացքում ամբողջ աշխարհի հույն օրթոդոքս եկեղեցիներում ամեն տարի ավետվում է մարդկության ազատագրումը մեղքի գերիշխանությունից, Կենտրոնական Եվրոպայի հույն եկեղեցու Էկզարխը, որը ճանաչված է իր արդարամտությամբ, կոչ է արել հույն ժողովրդին՝ արթնանալու և «սրբագրելու սրբալիներն ու թերությունները»: «Յոթ տարուց ի վեր ազատությունը վերացել է Հունաստանից,—նշել է միտրոպոլիտ Իրենեոսն իր ելույթում,—և մենք հասել ենք այն բանին, որ սկսել ենք գովաբանել մեր ճնշումն ու ստրկությունը: Քաղաքագետներ, զինվորականներ, դասախոսներ և մույնիսկ քահանաներ փորձում են ասելի դարձնել մեր սեփական անցյալը, իբր թե կարիք ունենայինք բռնակալության մտրակին կամ գերեզմանի հանգստի՝ առաջադիմելու և զարգացնելու համար մեր տնտեսությունը»:

ԱՎԵՏԱՐԱՆԻ ՔԱՐՈՋՈՒԹՅՈՒՆԸ

ԱՄԲՈՂՋ ԱՇԽԱՐՀՈՒՄ
2000 ԹՎԱԿԱՆԻՑ ԱՌԱՋ

Ավետարանչության միջազգային կոնգրեսի պատվավոր նախագահ, ամերիկացի ավետարանական Բիլլի Գրեհեմը վերջերս Լոզանում տեղի ունեցած մամուլի մի կոնֆերանսում հայտարարել է, որ սույն թվականի ամռանը վերոհիշյալ կազմակերպության կողմից գումարովելիք ժողովը լինելու է ավետարանչության վերաբերյալ ամենամեծ և ամենաներկայացուցչական համագումարը քրիստոնեության ամբողջ պատմության մեջ:

Արդարև, շուրջ 2700 մասնակիցներ, որոնց կեսից ավելին լինելու է երրորդ աշխարհից, հրավիրվել են հավաքվելու Լոզանում առաջիկա հուլիսի 16—25-ը: Աշխարհի 148 երկրների գրեթե բոլոր հարանվանությունների եկեղեցիների անդամներ երկա են լինելու հիշյալ համագումարին ոչ որպես իրենց եկեղեցիների կամ եկեղեցական որևէ կազմակերպության պատվիրակներ, այլ որպես պարզ մասնակիցներ, որով և համագումարը չի ունենալու օրենսդրական բնույթ:

Սույն հանդիպման նպատակն է լինելու մշակել գործունեության ուղեգծեր և կոնկրետ պլաններ՝ Ավետարանը քարոզելու համար ամբողջ աշխարհում նախքան մեր դարի ավարտը:

Պատասխանելով մամուլի կոնֆերանսում իրեն ուղղված այն հարցին, թե համագումարից հետո ստեղծվելու է արդյոք վերոհիշյալ նպատակի համար գործող կայուն մի կազմակերպություն առանձին բաժիններով, Բիլլի Գրեհեմը հայտարարել է, թե մասնակիցների իննսուն տոկոսը այժմվանից ցանկություն է հայտնել, որ «ստաբիլության և ավետարանչության բնագավառում ինչ-որ բան ծնվի սույն համագումարից»:

ՆԱԽԱՊԱՏՐԱՍՏՈՒԹՅՈՒՆ

«ԵՎՐՈՊԱԿԱՆ ԵԿԵԼԵՑԻՆԵՐԻ

ԿՈՆՖԵՐԱՆՍ» ԿԱԶՄԱԿԵՐՊՈՒԹՅԱՆ
7-ՐԴ ՀԱՄԱԺՈՂՈՎԻ

Սույն թվականի սեպտեմբերի 16—23-ը Էնգելթերգում (Ծվեյցարիա) տեղի է ունենալու «Եվրոպական եկեղեցիների կոնֆերանս»-ի «Նիթրգ 7» համաժողովը հետևյալ թեմայով. «Միություն Քրիստոսով և խաղաղություն աշխարհում—քրիստոնեական հույս և Ավետարանի խոստումը»:

Համաժողովում գլխավոր զեկուցումով հանդես է գալու Հեսսե-Նասսաուի (Արևմտյան Գերմանիա) ավետարանական եկեղեցու նախագահ Հելմուտ Հիլդը: Վերոհիշյալ թեմայի մասին զեկուցելու է լաս Բուդապեշտի աստվածաբանական ճեմարանի Հին Կտակարանի դասախոս պրոֆ. Լազլո Պակոզդին:

Համաժողովին մասնակցելու են շուրջ 400 պատգամավորներ: Եվրոպական 24 երկրների ավելի քան 100 եկեղեցիներ լիիրավ անդամ են հիշյալ կազմակերպության:

Համաժողովում մեծ տեղ է հատկացվելու բանավեճերին, որոնք տեղի են ունենալու երկու գլխավոր բաժիններում և տասնմեկ ենթաբաժիններում:

ԷԿՈՒՄԵՆԻԿ ԾԱՐԺՄԱՆ ՄԵՋ
ԵՐԻՏԱՍԱՐԴՆԵՐԻ ԱՎԵԼԻ ԼԱՅՆ
ՄԱՍՆԱԿՑՈՒԹՅԱՆ ՊԱՀԱՆՋ

Ժննում մարտի 25—29-ը տեղի է ունեցել Ե. Հ. Խ.-ի երիտասարդության հատուկ կոմիտեի հերթական ժողովը: Ժողովում պահանջ է առաջադրվել, որ երիտասարդներին իրավունք տրվի ամբողջական մասնակցություն ունենալու Էկումենիկ շարժման կյանքին ու աշխատանքին իրենց ստանձնած քրիստոնեական պարտավորության և

իրենց ձայնը լսելի դարձնելու մտահոգության պատճառով: Սույն ժողովին մասնակցել են երիտասարդության շրջանային քարտուղարներն ու Ե. Հ. Խ.-ի հանձնաժողովներին կից երիտասարդությանը խորհրդատու պատգամավորներ:

Ե. Հ. Խ.-ի «Դաստիարակություն և վերանորոգում» միավորման փոխ-նախագահուհի Պեգգի Աշքին, ի միջի այլոց, ասել է, որ «երիտասարդներն ունեն իրենց հատուկ փորձառությունները և կարող են իրենց նդրապատը բերել Ե. Հ. Խ.-ի այն ծրագրերին, որոնք վերաբերում են իրենց ազատագրության համար պայքարող ժողովուրդների զարգացմանն ու նրանց ցույց տրվելիք օգնությանը»:

Ժողովում մասնավորապես պահանջվել է, որ այն երիտասարդները և երիտասարդության խորհրդականները, որոնք մասնակցելու են Ջակարտայում կայանալիք Ե. Հ. Խ.-ի 5-րդ համաժողովին, հավաքվեն համաժողովից անմիջապես առաջ: «Եթե ուզում են, որ երիտասարդները իրենց նդրապատը բերեն համաժողովին,—նշվում է ժողովի կողմից ընդունված փաստաթղթում,—անհրաժեշտ է, որ նրանք մասնակցեն նույնպես Արևմտյան Բեռլինում գումարվելիք Ե. Հ. Խ.-ի կենտրոնական կոմիտեի առաջիկա նստաշրջանին»:

Երիտասարդության հատուկ կոմիտեի սույն փաստաթուղթը և մշակած հանձնարարություններն ուղարկվելու են Ե. Հ. Խ.-ի գործադիր կոմիտեի անդամներին՝ պատասխանելու համար այն հարցերին, որոնք բարձրացվել են Բադ Սաարովում կայացած գործադիր կոմիտեի վերջին ժողովում և որոնք վերաբերում են եկեղեցիներում երիտասարդների աշխատանքի առանձնահատկությանը:

ԿՈՍՏԱՆԴՆՈՒՊՈԼԻՍԻ ՏԻԵԶԵՐԱԿԱՆ ՊԱՏՐԻԱՐԷԻ ԶԱՏԿԱԿԱՆ ՈՒՂԵՐԶԸ ՀԱՄԱՅՆ ՔՐԻՍՏՈՆՅԱ ԱԾԽԱՐՀԻՆ

Երեք էական կետեր են շոշափվում այն պատգամում, որ Կոստանդնուպոլսի տիեզերական Պատրիարք Դիմիտրիոսն ուղղել է ամբողջ աշխարհի քրիստոնյաներին սուրբ Հարության տոնի առթիվ: «Աստվածային տնտեսության գործի» պայծառ մի նշան տեսնելով այն իրողության մեջ, որ այս տարի ս. Զատիկի տոնը քրիստոնեական եկեղեցիների բոլոր օրացույցներում զուգահիշվում է նույն օրվան, օրթողոքս եկեղեցու հոգևոր պետը իր ուղերձում առաջարկել է, որ համաօրթողոքս, ապա նաև համաքրիստոնեական մի համաձայնագրով որոշվի կայուն մի կիրակի, որպեսզի ամեն տարի նույն օրը նշվի ս. Զատիկի տոնը ամբողջ աշխարհի քրիստոնյաների կողմից:

Արտահայտելով իր խորագույն հարգանքն ու պաշտամունքը Քրիստոսի գերեզմանի նկատմամբ, տիեզերական Պատրիարքը, իր «պարտականությանն ու տիեզերական Պատրիարքի իր պատասխանատվության իսկ թելադրանքով» և «քաղաքական ամեն տեսակ նկատառումներից դուրս», պահանջ է արտահայտել, որ հարգվեն սուրբ Տեղյաց ստատուսը և մասնավորապես Երուսաղեմի օրթողոքս պատրիարքության դարավոր իրավունքները դրանց վրա:

Հիշեցնելով, որ հարուցյալ Քրիստոսն ասել է «խաղաղությունը ընդ ձեզ» և «եղեք ուրախ», հույն եկեղեցու գերագույն պետն ընդգծել է, որ «խաղաղությունը հանգչում է մարդկանց, հաստատությունների և ժողովուրդների իրավունքների փոխադարձ ճանաչման վրա, և որ ուրախությունն ուրիշ բան չէ, եթե ոչ արդյունքը այդ խաղաղության»:

